



Bosnia and Herzegovina  
Federation of Bosnia and Herzegovina  
**CANTON SARAJEVO**  
Institute for Construction of Canton Sarajevo

Broj: 03-45-10341/22  
Sarajevo, 02.11.2022.god

Na osnovu člana 70. Zakona o organizaciji organa uprave u F BiH („Sl.novine F BiH“ br. 35/05), u vezi sa članom 70. stav (1) i stav (3) Zakona o javnim nabavkama Bosne i Hercegovine („Sl. glasnik BiH“ br.39/14), nakon provedenog pregovaračkog postupka bez objave obavještenja za javnu nabavku radova iz člana 21. tačka d) i 28. stav (1) Zakona o javnim nabavkama BiH („Službene novine“ br. 39/14), koji opravdavaju korištenje ovog postupka i preporuke Komisije za javnu nabavku iz Zapisnika o ocjeni inicijalne i konačne ponude broj: 03-45-10107/22 od 28.10.2022.godine, direktor Zavoda za izgradnju KS donosi

**ODLUKU**  
**o izboru najpovoljnijeg ponuđača**

1. ~~Dodjeljuje se ugovor za „Dodatne radove na sanaciji klizišta na lokalitetu Mokrine do br. 76, Općina Hadžići“~~ ponuđaču „MIBRAL“ d.o.o. Sarajevo nakon provedenog pregovaračkog postupka iz člana 21. tačka d) i člana 28. stav (1) Zakona o javnim nabavkama BiH („Sl. glasnik BiH“ br. 39/14).
2. Vrijednost ugovora po prihvaćenoj ponudi broj: 135-1.6.2-10/22 od 25.10.2022.godine iznosi **71.927,11 KM** bez PDV-a, odnosno **84.154,72 KM** sa PDV-om.
3. Sredstva za realizaciju ovog ugovora obezbjeđena su na osnovu „Programa utroška sredstava prikupljenih iz posebnih namjena od legalizacije građevina izgrađenih bez odobrenja i građevina privremenog karaktera“.
4. Ova Odluka stupa na snagu danom donošenja i objavit će se na web-stranici <http://zik.ks.gov.ba> Zavoda za izgradnju Kantona Sarajevo.

**O b r a z l o ž e n j e**

Na osnovu dopisa dostavljenog Zavodu za izgradnju Kantona Sarajevo (broj: 09-40-4-8782/2022 od 28. 09. 2022. godine) od strane Službe za civilnu zaštitu i mjesne zajednice Općine Hadžići i Odluke o pokretanju postupka javne nabavke putem pregovaračkog postupka bez objave obavještenja broj: 06-45-9501/22 od 11. 10. 2022. godine, Zavod je pokrenuo pregovarački postupak bez objave obavještenja u skladu sa posebnim uslovima za primjenu pregovaračkog postupka bez objave obavještenja za javnu nabavku radova iz člana 21 tačka d) Zakona o javnim nabavkama BiH („Službeni glasnik 39/14), odnosno kada se izuzetno zbog dokazivih razloga krajnje hitnosti, prouzrokovane događajima nepredvidivim za ugovorni organ ne mogu ispoštovati Zakonom o javnim nabavkama utvrđeni minimalni uslovi za otvoreni, ograničeni ili pregovarački postupak sa objavom obavještenja.

Ugovorni organ je prilikom odlučivanja o vrsti postupka naročito uzeo u obzir dopis Službe za civilnu zaštitu i mjesne zajednice Općine Hadžići (broj: 09-40-4-8782/2022 od 28. 09. 2022. godine), kojim je obrazložena hitnost sanacije klizišta na lokalitetu dijela naselje Mokrine. Dostavljenim dopisom navedeno je:

“Sanacijom klizišta u naselju Mokrine do br.76 bili bi ostvareni pozitivni efekti na eliminaciji rizikofaktora i opasnosti koji su prisutni na tom lokalitetu, dijelu naselja Mokrine, kada su u pitanju životi ljudi, prijetеće opasnosti i/ili štete na materijalnim dobrima (stambenim, pomoćnim, infrastrukturnim objektima i zemljišnim površinama) i bezbjednom odvijanju saobraćaja na regionalnom putu kroz dio naselja Mokrine. Sanacijom klizišta na tom dijelu naselja Mokrine bila bi riješena odvodnja površinskih voda koje se slijevaju sa velike





slivne površine i trasu regionalnog puta u tijelo klizišta i time bi bila povećana sigurnost odvijanja saobraćaja u okolnostima nastankapoledice na kolovozu u zimskim uslovima. Nadalje, sanacijom klizišta osigurala bi se statička stabilnost stambenih i drugih objekata od klizanja terena, strma i nestabilna padina bila bi stabilizovana, kao i pristupni putevi do zemljišnih posjeda i objekata sa obje strane oko klizišta”

Ugovorni organ je tendersku dokumentaciju za “Dodatne radove na sanaciji klizišta na lokalitetu Mokrine do br.76” putem pregovaračkog postupka bez objave obavještenja (broj: 06-45-9501/22 od 11. 10. 2022.godine) dostavio ponuđaču “Mibral” d.o.o. Sarajevo i učinio je dostupnom svim ostalim ponuđačima, objavom na web stranici ugovornog organa.

Ugovorni organ je prilikom odabira ponuđača sa kojim će se vršiti pregovori naročito uzeo u obzir činjenicu da je ponuđač “Mibral” d.o.o. Sarajevo izvođač radova po Ugovoru za “Izvođenje radova na sanaciji klizišta na lokalitetu Mokrine do br.76, Općina Hadžići, te da se situacija na terenu izmjenila u odnosu na stanje koje je bilo u momentu sklapanja Osnovnog ugovora,

Ponuđač “Mibral” d.o.o. Sarajevo je na osnovu tenderske dokumentacije za “Dodatne radove na sanaciji klizišta na lokalitetu Mokrine do br.76” putem pregovaračkog postupka bez objave obavještenja (broj: 06-45-9501/22 od 11. 10. 2022. godine) dostavio Početnu/Inicijalnu ponudu za “Dodatne radove na sanaciji klizišta na lokalitetu Mokrine do broja 76” broj: 133-1.6.2-10/22 od 17. 10. 2022. godine (na protokolu Zavoda za izgradnju Kantona Sarajevo zavedenu pod brojem: 11-9722 od 17. 10. 2022.godine), na iznos 71.927,11 KM (bez PDV-a), odnosno 84.154,72 (sa PDV-om), uz ostalu dokumentaciju traženu tenderskom dokumentacijom. Komisija imenovana Rješenjem Zavoda za izgradnju Kantona Sarajevo broj: 06-45-9580/22 od 12. 10. 2022. godine sačinjena od predstavnika Zavoda za izgradnju Kantona Sarajevo, uputila je poziv za pregovaranje broj: I-03-INTERNO-500/22 od 18.10.2022.godine ponuđaču „Mibral“ d.o.o. Sarajevo.

Na pregovorima održanim dana 20. 10. 2022. godine u prostorijama Zavoda za izgradnju Kantona Sarajevo na kojem su prisustvovali predsjednik i članovi komisije imenovani Rješenjem broj: 06-45-9580/22 od 12. 10. 2022. godine i ovlašteni predstavnik Izvođača radova “Mibral” d.o.o. Sarajevo, konstatovano je da je ponuđač “Mibral” d.o.o. Sarajevo na osnovu tenderske dokumentacije (broj: 06-45-9501/22 od 11. 10. 2022.godine) dostavio Inicijalnu/Početnu ponudu broj: 133-1.6.2-10/22 od 17. 10. 2022. godine na iznos 71.927,11 KM (bez PDV-a), odnosno 84.154,72 (sa PDV-om).

Na upit Komisije za javnu nabavku da se cijena Početne/Inicijalne ponude umanju, ovlašteni predstavnik ponuđača „Mibral“ d.o.o. Sarajevo je istakao da je iznos cijena radova datih u Početnoj/Inicijalnoj ponudi jednak sa cijenama iz Osnovnog ugovora za stavke koje se odnose na istu vrstu radova tj viškovi radova iz Osnovnog ugovora, dok su cijene radova za nove stavke predmjera u skladu sa tržišnim cijenama i da obzirom na konstantno povećanje tržišnih cijena ponuđač „Mibral“ d.o.o. Sarajevo nije u mogućnosti sniziti cijene date u Početnoj/Inicijalnoj ponudi.

Komisija za provedbu pregovaračkog postupka analizirala je cijene iz Početne/Inicijalne ponude ponuđača, te je, uzimajući u obzir sva naprijed navedena obrazloženja ponuđača, usvojila da se cijene iz Početne/Inicijalne ponude neće mijenjati. Komisija je takođe konstatovala da je ponuđač u svojoj Početnoj/Inicijalnoj ponudi dostavio **ovjerene kopije** svih zahtjevanih dokumenata iz člana 45. stav (1), tačka a) do d) Zakona o javnim nabavkama BiH („Službeni glasnik BiH“, broj: 39/14), te ovjerenu pismenu Izjavu iz člana 52. Zakona o javnim nabavkama BiH.

Komisija za provedbu pregovaračkog postupka je na pregovorima ponuđaču “Mibral” d.o.o. Sarajevo uručila tendersku dokumentaciju za dostavu konačne ponude (broj: 06-45-9501/22 od 20. 10. 2022.godine), te je nakon obavljenih pregovora sačinila Zapisnik sa pregovora održanih 20. 10. 2022. godine (broj: 03-45-10078/22 od 26. 10. 2022.godine).

Ponuđač “Mibral” d.o.o. Sarajevo je u ostavljenom roku dostavio Konačnu ponudu broj: 135-1.6.2-10/22 od 25. 10. 2022.godine na iznos 71.927,11 KM (bez PDV-a), odnosno 84.154,72 (sa PDV-om).

Konačna ponuda ponuđača dostavljena od strane “Mibral” d.o.o. Sarajevo je u okviru obezbijedenih sredstva za ovu nabavku.





Bosnia and Herzegovina  
Federation of Bosnia and Herzegovina

**CANTON SARAJEVO**  
Institute for Construction of Canton Sarajevo

Komisija je konstatovala da je Konačna ponuda ponuđača "Mibral" d.o.o. Sarajevo dostavljena u skladu sa zahtjevima iz tenderske dokumentacije, te ocijenila da je Konačna ponuda ponuđača "Mibral" d.o.o. Sarajevo broj: 135-1.6.2-10/22 od 25. 10. 2022.godine) **prihvatljiva**. Komisija je sačinila Zapisnik o pregledu i ocjeni početnih i konačnih ponuda u pregovaračkom postupku bez objave obavještenja o nabavci za "Dodatne radove na sanaciji klizišta na lokaliteti Mokrine do br. 76, Općina Hadžići" (broj: 03-45-10107/22 od 28. 10. 2022. godine)

Cijeneći sve navedene akte, a naročito dopis Službe za civilnu zaštitu i mjesne zajednice Općine Hadžići (broj: 09-40-4-8782/2022 od 28. 09. 2022. godine), kojim je obrazložena hitnost sanacije klizišta na lokalitetu dijela naselje Mokrine, te zbog kojeg je proveden pregovarački postupak bez objave obavještenja u skladu sa članom 21. tačka d) i člana 28. stav (1) Zakona o javnim nabavkama BiH, direktor Zavoda za izgradnju Kantona Sarajevo donio je Odluku da se ugovor za „**Dodatne radove na sanaciji klizišta na lokalitetu Mokrine do br.76, Općina Hadžići**“ dodijeli ponuđaču „**Mibral**“ d.o.o. Sarajevo po **Konačnoj ponudi** broj: 135-1.6.2-10/22 od 25. 10. 2022. godine na iznos **71.927,11 KM** (bez PDV-a), odnosno **84.154,72 KM** (sa PDV-om).

Shodno navedenom odlučeno je kao u dispozitivu ove Odluke.



DOSTAVITI:

1. „Mibral“ d.o.o. Sarajevo
2. a/a